

鷄內金散 治溺尿失禁

鷄胫胫一具即鷄腕內黃皮并腸洗淨燒存性

男用雌女用雄研為末每二錢酒服妙

大人遺溺不知薔薇根細研酒下

雞腸草湯 治小便不禁或睡中遺出不覺

雞腸草兩一 牡蠣粉三錢 龍骨 麥冬 白茯苓

桑螵蛸錢各五 每服三錢末一枚去核煎服

一方 治同上

補骨脂炒為末黃柏煎湯調下

又方 治同上

桂皮末 雄雞肝 等分搗丸如小豆大溫水下

治小兒夢中遺尿

蒼朮仁一合去心不去殼敲碎入鹽一小撮同

炒黃色水煎空心服之効

縮泉丸 治小兒遺尿脬氣不足小便頻多

烏藥 益智仁去壳鹽水炮 等分為末酒煮山藥

糊為丸空心鹽湯下二錢

又方 治同上



烏藥 益智仁 各五錢 桑螵蛸 一兩

為末 空心 鹽湯調下 二錢 効

治遺尿方

白茯苓 牡蠣 醋 桑螵蛸 各五錢 龍骨 桂 各

錢 為末 以雞腸 一具 燒存性 為末 和勻 空心

白湯調下 一錢

禁方 治遺溺

阿膠 炒 牡蠣 煨 鹿茸 酒 桑螵蛸 酒 各等分

為末 粳米 為丸 梧子 大 每五十九 空心 酒下

治遺溺淋瀝

桑螵蛸 焦 龍骨 等 為末 每二錢 空心 鹽湯

千金翼白薇散 治尿出不知時

白薇 白芍藥 等 為末 溫酒下 方寸匕 日三服


濟世方 神芎導水丸 治遺尿有實熱者 每百丸

空心 白湯下 若一服得大便 利止 後服

此謂滯氣遺溺 痺聚在腎 痺謂氣不宣通也

雞腸散 腎與膀胱虛冷 不能約制 故遺尿 失禁

或睡自出 肉桂 龍骨 各一錢半 白茯苓 桑螵



蛸 牡蠣粉各三錢 雞腸一具

分二帖水煎姜三片束二枚空心温服

○小便不禁

生生子曰不禁謂無禁約小便多而頻不計遍數按經云水泉不止者是膀胱不藏也有温熱有下元虛憊數而少為熱數而多為虛者人多有耳蓋陽氣衰微不能約束歷見數人卒皆不救由其不能攝養而神氣耗散故也古人有謂不通為熱不禁為寒乃心腎氣弱陽道衰冷而傳

化失度法當温補温存以養其神藥后以堅其腎神完腎固膀胱氣充自可約束然必調治及阜庶或十全三五

五節齋曰小便不禁或頻數古方多以為寒而用温澁之藥殊不知屬熱者多蓋膀胱火邪妄動水不得寧故不能禁而頻數來也故年老人多類此是膀胱血少陽火偏旺也治法當補膀胱陰血瀉火邪為主而佐以收澁之劑如牡蠣山茱萸五味子之類不可用温藥也病本屬熱故

宜瀉火因水不足故火動而致小便多小便既多水益虛矣故宜補血瀉火治其本也收之澁之治其標也

按此乃本之於原病式熱鬱廷孔之說也生生子曰按節齋此論亦是以大槩言也若人下元虛憊氣弱不能乘載其水膀胱停濕浸淫皮膚瀉不能收持故頻數不禁必如河間節齋所云然則癰閉已主於熱矣而不禁又主於熱是無虛寒之症也何古方有溫補之法經有寒虛之

文耶未若以小使頻而清白長者為虛寒頻而少黃赤澁者為熱及脈洪數有力無力或滑或瀦參驗之始無差悞凡熱夫小使少寒月小使多寒熱之理亦易見爾

木便秘結而小便頻多屬脾約症以脾約丸治之茯苓丸 心腎俱虛神志不守小便淋瀝不禁赤茯苓 白茯苓 等分為末新汲水按洗澄去新沫揔乾別取熟地黃汁與好酒同於銀石器內熬成膏為丸彈子大空心益酒嚼下丸

二氣丹

治內虛裏寒膀胱積冷陽氣漸微小便

不禁

硫黃

肉桂各二錢半

乾姜炮

硃砂為衣各二錢

附子

一枚大者炮去皮臍為末五錢

右糊丸梧子大每五十九鹽湯下

姜附赤石脂丸

小便數而不禁怔忡多忘夢魘

不已

附子生

乾姜各五錢

赤石脂一兩

硃砂伏火

者一兩

酒糊丸菉豆大每十五丸至三十丸

大便有病米飲下

小便不禁茯苓湯下

王海藏云此方妙在硃砂伏火上

論載玉機微義甚詳

御藥院秘元丹

治內虛裏寒自汗時出小便不

禁

白龍骨三兩

訶子一枚

砂仁

靈砂各一兩

右稗米糊為丸梧子大每五十九空心鹽湯下

兔系子丸

治小便多或致失禁

兔系子

肉蓯蓉

酒浸各二兩

牡蠣煨

附子炮

五味

子鹿茸

酒炙各一兩

雞脬脰乾

桑螵蛸

酒炙各五錢

右酒糊丸梧子大每七十九空心鹽湯溫酒下

三因家韭子丸

下元虛冷小便不禁或成白濁

家韭子

炒六兩

鹿茸

酥炙四兩

肉蓯蓉

酒浸

牛膝熟地

黃當歸各二兩 巴戟去心 兔系子酒浸各一兩半 杜仲

石斛 桂心 官姜炮各一兩

酒糊九 梧子大每百九 空心鹽湯酒任下

桑螵蛸散 治小便頻數或如米泔稠濁上

桑螵蛸鹽水炙 遠志 后菖蒲鹽炙 龍骨 人參

茯神 當歸 鱉甲醋炙各五分 為末每二錢臨卧

人參湯調服 一方用龜甲

五子丸 治小便頻數時有白濁

兔系子酒蒸 家韭子炒 益智 茴香炒 蛇床子

去皮炒 各半分 酒糊為丸 梧子大每七十九 米飲任下

丹溪鹿茸丸 治久虛冷小便白濁滑數不禁

鹿茸 川椒去子取頭末 桂心 附子 牡蠣 石

斛 沉香 補骨脂 肉蓯蓉 雞胫胫各一兩

桑螵蛸分三 右酒糊為丸 梧子大食前酒下三十九

又方 治汚血淋瀝

鹿角屑炒黃 為末 溫酒下二錢妙 本草云鹿角逐陰中邪氣

惡血

水芝丸 治下焦真氣虛弱小便頻多日夜無度

蓮子皮去

先以好酒浸一二宿用猪肚一具入

蓮子在內水煮熟取出蓮子切片晒乾為末

醋糊丸如雞頭子大每五十九丸温酒送下

一方 治稟賦虛弱小便頻數不禁

五味子兩四

肉蓯蓉

半斤肉地

兔系子

酒煮炒乾二兩

右酒煮山藥糊為丸梧子大每五十九丸

心鹽湯或酒送下

萹薹丸

治小便頻數

川萹薹

不拘多少為末酒糊丸如梧子大每

五十九丸空心鹽湯送下

一方 治夜多小便老人虛人多有此症

白芷

一兩

稗米五錢炒

右稗米糊丸梧子大

饅頭煎湯空心下七十九丸

玄兔丹

治小便多

兔系子

酒浸焙末十兩

五味子

酒浸研末七兩

白茯苓

三兩蓮肉

三為末乾山藥末六兩將所浸酒餘者添酒煮

糊為丸搗千杵丸梧子大每五十九丸空心

米飲下

小兒系丸

治腎氣虛損目眩耳鳴四肢倦怠夜

夢遺精

后蓮子肉

二兩 酒浸研

白茯苓

一兩 五錢

山藥

二兩 七錢

打糊九梧子大每五七十

丸空心温酒或盐湯送下

一方

生山藥半斤刮去片先用酒熬沸入山藥

不得攪動待熟加盐葱白更添酒空腹下

三盞妙

益智散

治小便多

益智

三十枚為末水

一盞煎八分入盐五

分臨卧温服

○本事方衛真湯

治丈夫婦人元氣衰憊榮衛怯

弱真陰不固三焦不和上盛下虛夜夢鬼交覺

來盜汗面色精彩唇口舌燥耳內蟬鳴腰痛背

倦心氣虛乏精神不寧驚悸健忘飲食無味日

漸瘦瘁外腎温痒夜多小便腫重冷痛牽引小

腹足膝緩弱行步艱難婦人血海久冷經候不

調或過期不至或一月兩來赤白帶下漏分五

色子宮感寒久不成孕並皆治之 此藥大能

生氣血遇夜半子時腎水旺極之時補腎實

臟男子攝血化精諸病未萌之前皆能制治使不復為梗

川歸酒浸一夜丁香 青皮去白各一兩 熟地黄 白朮

苓 木香 肉蓯 山藥各三兩 生地 川牛膝

各二兩童便煮 人參一兩 石斛五兩

為末每三大盞酒調下鹽湯亦得空心食前服婦人諸病童便同酒調空心服

辰砂妙香散 方在婦人門

○溺赤

諸病水液渾濁皆屬于熱小便黃者小腹中有熱也 治小便黃無如黃柏知母効

脉經云足脛逆冷小便赤宜服附子四逆湯

綱目載小便黃有四

一屬肝熱經云肝熱病者小便先黃是也

二屬胃實經云胃足陽明之脉氣盛則身已前皆熱其有餘于胃則消谷善飢溺色黃者是也

三屬肺虛經云肺手太陰之脉氣虛則肩背痛寒少氣不足以息溺色變故耳

四屬腎虛經云冬脉者腎脉也冬脉不及則令人
眇清脊痛小便變是也

○脱肛門 附載腸病

生生子曰脱肛之症多由腸內有積而清氣不升
如痢疾裏急後重而下脱也治當從滯下門先
推去積滯然後升補積滯去而清氣自升不復
脱下其或因下血及痢疾之後脱而不收者為
虛升補之藥看氣血孰重脱之已久當以澀劑
收之腸胃有風脱而下血者以風藥舉之脱久

亦有虛寒者當溫藥微洗內服大補之劑

丹溪曰有氣虛氣熱血虛血熱

氣熱者條芩六兩升麻一兩為末麵糊為丸服
之其証肛脫紅腫者是也

氣虛者參耆歸升麻或加白朮訶子有熱加
條芩其証多於勞倦房慾而發者是也

血熱者四物湯加炒黃柏其証多於好酒及
辛辣之物而發及便血也

血虛者用四物湯加升麻荆芥其証下血過

多面色痿黃者是也

○下痢脫肛 痢門參治

○截腸病 其証太腸頭出痛苦軟又落又出腸盡則死初出寸餘時治之以芝麻油下盡以簪坐之飲大麻子汁數升愈

脫肛之證前入以為肺氣虛寒蓋肺與大腸為表裏肺臟蘊熱則閉結虛寒則脫婦人有此疾者多由產育用力過多小兒有此疾皆因久痢太腸虛冷所為也有腸頭作痒者此係腸中有虫

黃桂峰云親見一人裏急後重肛脫紅腫百藥皆試乃有虫在肛故也

濟世方 治男女脫肛用五倍子小便濃煎洗之

聖惠方 治脫肛不收蝸牛燒灰猪脂調敷之

砂仁湯 治大腸虛脫肛挾熱紅腫者

砂仁 黃連 木賊等分 為末每服二錢米飲

文蛤散 太腸虛寒肛門脫出不收或用力太過及小兒叫呼久痢後重者

五倍子為末水煎汁浸洗更入白礬蛇床子尤

佳後用赤石脂為末少許摻在巴蕉葉上頻用托入或有脫出尺許者亦用此湯溫浸頻換藥水以縮為度

倍榆散 治小兒脫肛

五倍子 地榆分等為末每五分或一錢米飲調

治老人脫肛

防風蘆 蒼朮 黃柏 五倍子 煎湯薰洗

內服清涼太腸之藥而愈

治脫肛下血

韭菜一太握搗碎瓦礫煎熟再用生韭菜汁冲在湯內將肛門坐在瓶口薰一二次神效

槐角丸 五種腸風下血痔漏脫肛並治

槐角三兩 地榆兩 黃芩 當歸 防風 枳殼炒

各二兩 右酒糊丸梧子大每七十九字心米飲下

涼血清腸散

生地 當歸 芍藥各一錢二分 防風 升麻 荆

芥各一錢 黃芩炒 黃連 香附炒 川芎各八分 甘草

五分煎服

三因方香荆散 大人小兒肝門脫出並治

香附 荆芥穗各等分 一方加砂仁

右為末每服三匙水一大碗煎數沸乘熱洗

秦朮湯 腸胃濕熱及有風而脫肛不止

秦朮去芦酒洗 七錢水煎空心服後安卧下時渣再煎

補中益氣湯 治勞倦脫肛效

一方 五倍子為末每用三錢入白礬一塊水煎

洗或以五倍末用紙糊之托上

一方 木賊燒存性為末搽肝上按入即收

二靈散 治久痢腸胃俱虛肝門脫下

龍骨煨五錢 木賊燒存性二錢半 為末搽上托之

治男女脫肛 五倍子荆芥小便濃煎洗之

本事方 腸風下血及脫肛不收

皂角 三莖搗碎水一碗揉令皂角消盡用絹

二層濾取清汁將肛浸在汁中自收並不待手

托如大腸收了即用湯盪其肝門上下令皂角

氣行則不再作盪三次全愈

集驗方 治脫肛歷年不愈

生鉄三斤水一斗煮取五升以汁浸洗
一方用刀漿水洗亦効

肘後方 治腸頭脫肛出轉久不可收入

生括萎汁浸之猪肉汁中洗隨以手按之金燬自收

濟世方治脫肛 荆芥 龍腦 薄荷 朴硝

右煎湯下日洗數次自入

本事方治腸風脫肛及有血

蛇床子炒為末貼肛上五枚

蝟皮散 治肛門或因洞泄或因用力脫出不收

蝟皮一枚燒存性 礞石煨五錢 桂心五錢 此寒而脫肛也

右為末米飲服方寸匕忌持重及房室

肘後方治女人陰脫前方加鰲頭一枚燒存性入研

黑聖散 治瀉多時脫肛疼痛

大蜘蛛一枚瓠葉重裹線扎定合于內燒存性

研入黃丹少許同研凡有上件疾即先用白

礬葱椒湯洗拭乾後搽藥以手托上

千金方 治脫肛歷年不愈

鰲頭一枚燒令烟盡為末付上手按接之

丹溪方

治脫肛

胡荽燒烟薰之之入

海上方

諸般痔脫肛

死蛇一條如指大濕者掘地坑燒之以有孔板子蓋之坐其上以肛受烟薰之烟盡為止大効濟世方 治肛出

皂角薰次用蜒蚰一條入蜜浸去蜒蚰將蜜調土硃付上即入

一女子脫肛用糯米一斗濃煎飲去米洗肛溫柔先以磚一片火燒通紅用醋沃濕以青布鋪磚

上坐肛於青布上如太熱加布令厚其肛收自

又方 蓮房殼荆芥枳殼槐花黃柏防風獨活煎

湯洗之 或以木賊灰或又蛤末付上立收

治肛門腫痛 木别子去殼取油四五枚研如泥

入水盆中以滾湯泡之乘熱洗另用少許付上

肛門腫痒 杏仁搗膏敷上 亦治穀道痛蝕

外臺秘要治下部虫齧 桃葉一斛蒸之令極熟

納小口器中以下部坐其上受薰其虫盡死

脉經云厯蝕陰脫其脉虛小者生緊急者死

丁入脫肛裏急後重百方莫能收一僧教以取猪
肚丁具刮下垢膩入花椒末拌勻塗肝上以青
綿布袋兜之再以溫湯入埋內坐其上薰之少
頃肝癰腸收袋上虫不計其數從
復發

○前陰諸疾

前陰所過之脉有二一曰肝脉一曰督脉經云肝
足厥陰之脉入毛中透陰器抵小腹是肝脉所
過也又云督脉者起于小腹以下骨中央女子
入繫廷孔循陰器男子循莖中至纂與女子等

是督脉所過也

○陰縮陰縱

陰縮謂前陰受寒縮入腹內也陰縱謂前陰受熱
挺長不收也經曰足厥陰之筋傷于寒則陰縮
入傷熱縱挺不收治在行水清陰氣是也

丹溪治鮑兄年二十五莖挺長腫而癢皮塌常潤
磨股不能行兩脇氣上手足倦弱先以小柴胡
加黃連太劑行其濕熱累加黃柏降其逆上之
氣其挺腫漸收漸減及半但莖中有堅塊未消

本草綱目卷之九

遂以青皮一味為君佐以散風之劑未服外以
絲瓜汁調五倍子末敷而愈

平江王氏子年三十忽陰挺長腫而痛脈數而實
用朴硝荊芥湯浸洗又用三乙承氣湯大下之
內經曰陰縮而死者皆屬肝傷又云悲哀動中則
傷魂魂傷則狂妄不精不精則不正當陰縮而
攣筋而脇骨不舉毛悴色夭死于秋又云厥陰
終者喜溺舌卷卵上縮是也

至莖腫前陰腫是也其症不一有通身水氣癩脰

俱腫者此屬水腫以治水之法治之其腎風振
搔成瘡以致腫者以治瘡毒之法治之有妬精
蝕瘡腫毒以乾瘡之藥治之此綠妬精蘊結毒
氣未散而成腫痛也有服金石秘泄之藥精氣
壅遏不能宣揚或試煎爐之方取一時之快熱
毒內蘊俱能為腫有血氣凝滯癩間竅道閉塞
致使莖腫或由忍溺致氣結不行而成腫凡此
諸症並以灯心湯調五苓散服之以荊芥木通
煎湯淋洗此條出鈞玄

○陰痿陰汗陰冷陰臭

陰痿皆耗散過度傷於肝筋所致。經云足厥陰之經其病傷于內則不起是也。

東垣陰痿陰汗陰臭論 一富者前陰間嘗聞臊臭又因連日飲酒腹中不和求予治之予應之曰夫前陰者足厥陰之脈絡陰器出其挺末臭者心之所主散入於五方為臭又肝為臊臭此其一也當於肝中瀉行間是治其本後於心經瀉少冲以治其標如惡針當用藥除之治法當

求其本連日飲酒夫酒者氣味俱能生濕熱是風濕熱合於下焦為邪故經云下焦如瀆又云在下引而竭之酒者是濕熱之水亦宜決前陰以去之是合下焦二法治之龍膽瀉肝湯是也龍膽瀉肝湯 治陰部時溼濕痒有臊臭

柴胡梢 澤瀉各一錢 車前子 木通各五分 當歸尾 龍膽草 生地黄各三分 水煎空心飢時熱服便以美膳壓之柴胡入肝為引用澤瀉車前子木通其淡滲之味利小便亦除臊臭是

名在下者引而竭之。生地黄、龍膽草之苦寒，瀉酒濕熱，兼車前子之類，以徹肝中邪氣，肝主血，用當歸以滋肝中血不足也。

固真湯

治兩丸冷前陰痿弱，陰汗如水，小便後

有餘瀝，服氣尻臀并前陰冷惡寒而喜熱，膝亦

冷

升麻

柴胡

羌活

甘草

澤瀉

錢半 黃栢

知母

龍膽草

水煎空心服

以美膳壓之

溫腎湯

面色痿黃，身黃脚軟，陰汗陰莖有天色

麻黃

防風根

蒼朮

白朮

猪苓

白

茯苓

升麻

黃栢

澤瀉

柴胡

梢

水煎食前服之，候一時辰許方食

補肝湯

前陰如冰冷，并冷汗兩脚痿弱無力

黃芪

人參

葛根

甘草

蒼朮

升麻

猪苓

知母

柴胡

身

陳皮

黃栢

防風

白茯苓

澤瀉

神麩

連翹

水煎食前熱服，忌酒麩

清震湯

治溺黃，臊臭淋瀝，兩丸如冰，陰汗浸兩



股陰頭亦冷 正值十二月天寒凜冽寒之極矣
 澤瀉 升麻 蒼朮 黃芩 柴胡 當歸
 身 甘草 羌活 黃柏 防風 麻
 黃根 藁本 猪苓 紅花 水煎服忌酒
 柴胡勝濕湯 兩外腎冷兩髀樞陰汗前陰痿弱
 陰囊濕痒臊氣 柴胡 甘草 升麻 羌
 活 澤瀉 當歸 麻黃 龍膽草 漢防
 已 黃柏 五味子 紅花 白茯苓
 水煎熱服已酒麴房事

仲景八味丸 治陰痿不振今依前方夏減桂附
 一半春秋減三之一 病去全減桂附
 椒粉散 治前陰兩丸濕痒秋冬尤甚
 麻黃 狗脊 蛇床子 斑猫 當歸梢
 猪苓 小枙 肉桂 輕粉 紅花
 為細末搽上避風寒濕冷處坐臥
 又方 治腎囊濕痒 先以吳茱萸湯洗過後用
 吳茱萸半兩寒水石三錢黃柏二錢半樟腦蛇
 床子各五錢輕粉一錢白礬三錢硫黃二錢檀

柳三錢白芷三錢為末搽之

○千金方云有人陰冷漸冷氣入陰囊腫滿恐死
日夜痛悶不得眠取生柁擇之洗淨以布帛裹
着丸囊令厚半寸須臾熱氣大通日再易之
○本事云曾有人陰冷漸次冷氣入陰囊腫滿晝夜
疼悶不得眠煮大薊汁服之瘥

○陰腫陰痛陰吹

婦人陰腫腎痛枳實半斤切碎炒熟布包熨之冷
交接勞復陰卵痛是勞復除陽易

仲景云胃氣下泄陰吹而正喧此穀氣之實也膏
髮煎道之其方猪膏半斤亂髮如鷄子大三枚
以髮入膏中煎至髮盡分再服病自從小使中
出能治諸瘡症殊效

雄黃散 陰腫大如斗核痛人所不能治者

雄黃一兩 礬二兩 甘草生半兩 以水五升煎洗

荊芥散 治腎腫 荊芥穗一兩 朴硝二兩 蘿蔔

葱同煎湯洗

男子陰腫大如升罽痛甚搗馬鞭草塗之

和劑三白散

治小兒膀胱益熱風濕相乘陰囊

腫脹大小便不利

白牽牛一兩桑白皮 木通

白朮 橘紅各五錢

為末姜湯調二錢

○癩風 俗名腎臟風

癩風之症起於下部虛熱或行路體倦及夏月久

坐冷地為風濕所襲乃發為疾其症囊濕皮厚

生水泡瘡疥作痒舌方用蛇床子一味煎湯淋

洗痒甚者以姜汁入香油數滴攪勻塗上自愈

沐浴長春散 治下无陰濕久冷陰囊夜痒抵之

則喜手住則痛成瘡流水為患甚苦及治婦人下部陰濕子胞久冷並効

牡蠣 蛇床子 破故紙 紫梢花 官桂

薄荷葉 各等分每用一兩半入葱白數莖水

煎一小鍋先薰後洗再用津調散搽之全安

津調散 治妬精瘡膿汁淋漓臭爛

黃連 欵冬花等分 射香少許

為末先洗過或以地骨皮蛇床子煎湯洗鼻

拭乾津調敷忌生冷生湯洗一方無射

又方 治外腎及兩腿風濕瘡

全蠍 檳榔 蛇床子 硫黃各一錢

為末麻油調入手心擦熱吸三口用手抱囊
一頃次擦藥兩腿上

○疝氣門

內經四氣刺逆從篇曰厥陰脉滑則病狐風疝
陰脉滑則病肺風疝太陽脉滑則病脾風疝
明脉滑則病心風疝太陰脉滑則病腎風疝
陽脉滑則病肝風疝又骨空篇曰任脉為病男

子內結七疝女子帶下瘕聚丹竒論篇曰腎脉
大急沉為腎疝肝脉大急沉為肝疝心脉搏滑
急為心疝肺脉沉搏為肺疝三陽急為瘕三陰
急為脾疝三陰脾脉也

脉經曰寸口脉弦而緊絃緊相搏則為寒疝
坐生子曰內經以六經脉滑為風疝又以大急沉
為五藏疝按此六經五臟皆有疝也而以風字
加之於六經之疝者何也愚者無乃以風字作
氣字者看耶或以巽為風則木之氣肝之所主

也又成疝之地乃肝部也夫濁脉主痰飲食積是言各經之痰飲食積流傳于肝之部地乃成疝也因肝主風故以風字加之也又夫急者緊急之謂也緊主病為寒沉亦為寒為氣力亦為氣是亦言五臟寒氣流於下部發為疝也蓋寒喜傷下腎肝俱在下而肝之絡環繞陰器故以疝屬肝也據任脉起于胞門循腹裏與衝脉厥陰會故男為七疝女為瘕聚也其病極為難治而諸書所言亦不一惟張戴人一主于肝蒐輯

甚博且曰非靈素銅人之論法皆不取要之欲窮其原耳故其歷舉經義俞穴及七疝瘕因殊為詳悉但用治諸方多是渠生平所長之三法人或病其峻抑不知有是病用是藥醫而不善用此是無術也則未免有過時失機之悔願其疝積滯根固滲痰偏僻非峻劑曷能以達第不可孟浪亂投法所當用又何畏縮在設施者消息經權務求其當可也劉守真言此症亦有熱者丹溪亦主于肝且又言有濕熱死血及痰積

因寒鬱而發間亦有虛者此亦誤鑿前人純擬
于寒而一以剝燥為劑也今以諸賢大意述列
於後以便參治

劉守真曰癰疔小腹控卵腫急絞痛也寒主拘縮
故也寒極而土化制之故腫滿也經言丈夫癰
疔謂陰器連小腹急痛也故言婦人少腹腫皆
厥陰肝之脉也經注曰寒氣聚而為疔也又按
經言五藏皆主疔但脉急也注言脉急者寒之
象也然寒則脉當短小而遲今言急者非急數

而洪也由緊脉主痛急為痛甚病寒雖急亦短
小也所以有痛而脉緊急者脉為心之所養也
凡六氣為痛則心神不寧而緊急不得舒緩故
脉亦從之而見也欲知何氣為其病者通其緊
急相兼之脉而可知也如緊急洪數則為熱痛
之類也又經言脾傳之腎病名疔瘕小腹冤熱
而痛出白蠱注言小腹痛澁出白液也于作客
熱內結銷鑠肌肉如蠱之食故名白蠱也然經
復言熱為疔瘕則亦不可止言為寒當以脉症

弘之

丹溪曰疝主肝經與腎經絕無相于疝痛之甚者
畢九連小腹急痛也或有形或無形或有聲或
無聲自素問以下皆以為寒蓋經絡得寒收引
不行所以作痛世有得寒而無疝者又必有說
以通之可也予屢錫冰徒涉不曾病此以予素
無熱也因而思此病始于濕熱在經鬱遏至久
又感外寒濕熱收鬱而作痛若只作寒論恐為
未備或曰此症多客厥陰一經濕熱之積何由

而致予曰大勞則火起于筋醉飽則火起于胃
房勞則火起于腎大怒則火起于肝火鬱之久
濕氣便盛濁液凝聚并入血隧流于厥陰肝屬
木性速急火性暴為寒束宜其痛甚而暴也愚
見古方以烏頭梔子等分作湯用之其効亦速
後因此方随形症加減無有不應又須分濕熱
多寡而治之但腫多為濕癰是也却有水氣而
腫又有挾虛而發者當以參朮為君而佐以踈
導診其脉沉緊而豁大者是也若不以補劑而

行決裂之法，禍不旋踵。

許學士曰：大抵此疾因虛得之，不可以虛而驟補。經云：邪之所湊，其氣必虛。番而不去，其病必實。故必先滌所畜之熱，然後補。是以諸方多借巴豆氣者，蓋謂此也。

張戴人曰：疝本肝經，宜通勿塞。疝有七，前人論者甚多，非靈樞素問銅人之論，余皆不取。非余好異也，但要窮其原耳。七疝者，何？寒水筋、血氣、狐癩是也。俗工不識，目為膀胱，又為腎冷，又或為

小腸氣。小兒曰：偏氣。之名既謬，併喪其實。何哉？蓋醫者既斷為膀胱腎冷，小腸氣又曰虛寒，所致其藥之用也。不鹿茸、巴戟，則杜仲、菟絲、不附子、烏頭，則乾姜、官桂，不練實、茴香，則金鈴、補骨脂、朝吞、暮餌，曾無殊効。三二十年牢，不可去間。因微病稍似，開通執此微苦，浸成太錯。標既不除，本必歸甚。處處相傳，曾無覺者。豈知諸疝皆歸肝經，其柰庸流，歸之小腸、膀胱、水府，專司滲泄，小腸水道專主通流，腎為少陰總統。

二水人之小澍自胃入小腸滲入膀胱膀胱者
脬囊也氣化則水出莖端此常道也及其為疝
乃是厥陰肝經蓋環陰器而上入小腹者足厥
陰肝經也夫腎肝皆屬于下衝任督相附然靈
樞經言足厥陰肝經病則有遺溺癃閉狐疝主
腎與小腸膀胱三經則不言疝是受疝之處乃
肝之部分也且內經男子宗筋為束骨之會也
而肝主筋筆者囊中之丸雖主外腎非厥陰環
而引之與玉莖無由伸縮在女子則為纂戶其

內外為三其一曰廷孔其二曰窈漏此足厥陰
與衝任督之所會也靈樞言足厥陰之經筋聚
于陰器其病傷于寒則陰縮入傷於熱則縱挺
不收治在行水清陰氣故陽明與太陰厥陰之
筋皆會於陰器惟厥陰主筋故為疝者必本之
厥陰靈樞又言足厥陰之別名曰蠡溝去內踝
五寸別走少陽循胫上臑結于莖其病氣逆臑
腫卒疝實則挺長虛則暴痒取之所別矣豈非
厥陰為受病之處耶靈樞又言邪在小腸連臑

係屬于腎貫肝絡肺系心氣盛厥逆上衝腸胃
重肝散於育結於臍故取之育原以散之刺太
陰以平之取厥陰以下之取巨虛下臚以去之
按其所過之經以調之此其初雖言邪在小腸
至其治法必曰取厥陰以下之乃知諸疝關於
厥陰可以無疑以脉考之素問云厥陰滑為狐
風疝少陰滑為肺風疝太陰滑為脾風疝云
凡此六疝雖見于他脉中皆言風疝者足厥陰
肝經之氣也靈樞亦曰心脉微滑為心疝肝脉

滑甚為癘瘡腎脉滑甚為癘瘡凡此三臟脉之
疝亦以滑為疝也素問又云脉木急皆為疝心
脉滑傳為心疝肺脉沉傳為肺疝三陰急為疝
三陽急為瘕王太僕云太陽受寒血凝為瘕太
陰受寒氣聚為疝此言太陰受寒傳之肝經也
可以溫藥逐之不可以溫藥補之若補之者是
欲病去而強挽留之也歷考素問三陽為病發
寒熱其傳為癘疝此亦言膀胱非受病之處必
傳于厥陰部分然後為疝也又言病在少腹

痛不得木小便病名曰疝得之寒言脉急者曰疝瘦少腹痛凡言少腹者豈非厥陰之部分耶又言脾氣傳胃名曰疝瘦此謂非肝木不能為風氣名曰厥疝蓋脾土虛而不能制水又為肝木所凌也又言督脉為衝疝蓋厥陰與衝任督俱會于前陰也豈不明哉至于運氣中又言歲太陽在泉寒淫所勝民病少腹控辜蓋寒客于小腸膀胱則肝木縮而不得伸行毋傳之子也陽明司天燥淫所勝丈夫癩疝婦人小腹痛此

言肝氣不得上行為金所抑鬼賊故也又言木陰在泉土勝則寒氣逆滿食飲不下甚則為疝此亦言寒客太陰濕土不能勝水傳之肝經也又嘗遍閱銅人俞穴亦相表裏如背上一三椎俞肝經言寒疝臍部中行惟陰交下穴言寒疝任脉之所發也關元下穴言暴疝小腸之幕足三陰任脉之會也曲骨下穴言癢疝任脉足厥陰之會也其腹部第二行盲俞二穴言寒疝衝脉足少陰之會也四病上穴言疝瘦衝任

脉足少陰腎之會也其腹部第三行太巨二穴
言癩疝足陽明脉氣之所發也氣衝二穴言癩
疝莖中痛兩丸寒痛亦足陽明脉氣之所發也
其腹部四行府合二穴言疝痛足六陰厥陰
維之交會也亦太陰部三陰陽明支別也衝門
二穴言陰疝足太陰厥陰之會也其在側脇者
五樞二穴言寒疝陰邪上入少腹帶脉下三寸
也其在足六經者足厥陰穴十名言疝者七謂
太敦行間太衝中封蠡溝中都曲泉足少陽穴

十四名言疝者一謂丘墟穴也足太陰穴十一
名言疝者一謂陰陵泉也足陽明穴十五名言
疝者一謂陰市穴也足少陰穴十五名言疝者
五謂然谷太谿照海交信築賓也足太陽穴十
八名言疝者二謂金門合陽也由是言之惟厥
陰言疝獨多為疝之主也其各經穴雖亦治疝
終非受疝之地但與足厥陰相連耳或在泉寒
勝木氣攣縮禁于此經或司天燥勝木氣抑鬱
于此經或忿怒悲哀憂抑頓挫結于此經或藥

淋外固閉尾縮精壅于此經其病差別如此不知世間之藥多熱補從誰而受其方也信其方則素問靈樞銅人皆非也信素問靈樞銅人則俗方亦皆非也不知後之君子以孰為是嗚呼余之于醫四十餘歲使世俗之方人、可療余莫知敢廢也諳練日久因經識病然後不惑且夫遺溺閉癢陰痿胞痺精滑白淫皆男子之症也不可妄歸之腎冷血涸不日月罷腰膝上熱足躄嗑乾癢閉少腹有塊或定或移前陰突出

後陰痔核皆女子之症也但女子不謂之症而謂之癩者年少而得之不計男子婦人皆無子故隱蔽委曲之事了不干脬腎小腸之事乃足厥陰肝經之職也柰俗方只言脬腎小腸殊不知言肝木一句惑入甚矣且肝經乙木也木屬東方為心火之母也凡疝者非肝木邪則肝木自甚也不可便言虛而補之雜經所謂東方實西方虛瀉南方補北方此言瀉火木自平金自清水自旺矣昔審言為蔡之參軍也因墜湿地疝

痛不可堪諸藥莫救余急以導水丸禹功散瀉
三十餘行腫立消痛立減又頃闕一男子病卒
疝暴痛不任倒於街衢人莫能動呼余救之余
引經証之邪氣客於足厥陰之絡令人卒疝故
病陰疝痛也余急瀉太敦二穴太痛立已夫太
敦穴者乃是厥陰之穴也珍冠鎮一夫病瘡
瘡發渴痛飲蜜漿劇傷米水醫者莫知瀉去其
濕反雜進姜附濕為燥熱所壅三焦閉溢水道
不行陰道不興陰囊腫墜大於升斗余先以導

水百餘丸少頃以猪腎散投之是夜瀉青赤水
一斗遂失痛之所在近穎尾一夫病卒疝赤腫
大痛數日不止諸藥如水投后余以導水一伯
五十丸令三次咽之繼以通經散三錢空腹淡
酒調下五更下臟腑壅積之物數行痛腫皆去
不三日平復如舊內經曰木鬱則達之達謂吐
也今條達肝之積本當吐者然觀其病之上下
以順為貴仲景所謂上宜吐下宜瀉者此也敢
列七疝圖於左以示後之君子庶幾有所憑藉

者焉

寒疝其狀囊冷結硬如石陰莖不舉或控掣丸而痛得於坐卧濕地或寒月涉水或置兩雪或卧坐磚石或風冷處使內過勞宜以溫劑下之久而無子

水疝其狀腎囊腫痛陰汗時出或囊腫而狀如水晶或囊痒而燥出黃水或少腹中按之作水聲得于飲水酒醉使內過勞汗出而遇風寒濕之氣聚於囊中故水多令人為卒疝宜以逐水之

劑下之有漏針去水者人多不得其法

筋疝其狀陰莖腫脹或潰或膿或痛而裏急筋縮或莖中痛極則痒或挺縱不收或白如精隨溲而下得于房失勞傷及邪術所使宜以降心之劑下之

血疝其狀如黃瓜在少腹兩傍橫骨兩端約中裕云便瘡得于重感春夏大煥勞動使內氣血流溢滲入脬囊留而不去結成瘡腫膿少血多宜以和血之劑下之

氣疝其狀上連腎區下及陰囊或因疝突忿怒則
氣鬱之而脹怒止號罷則氣散者是也有一治
法以針出氣而愈者然針有得失宜以散氣之
藥下之或小兒亦有此疾俗曰偏氣得于父年
已老或少年多病陰痿精怯強力入房因而有
子胎中病也此疝不治惟築賓一穴言之
狐疝其狀如兔卧則入小腹行立則出小腹入囊
中狐則晝出穴而溺夜則入穴而不溺此疝出
入上下徃來正與狐相類也亦與氣疝大同小

異今人帶鈎鈴是也宜以逐氣流經之藥下之
癰疝其狀陰囊腫緘如升如斗不痒不痛者是也
得之地氣卑濕所生故江淮之間湫塘之處多
感此疾宜以去濕之藥下之 女子陰戶突出
雖亦此類乃熱則不禁固也不可便謂虛寒而
澁之燥之補之本名曰瘕宜以苦下之以苦堅
之玉冰云陽氣下墜陰氣上爭上爭則寒多下
墜則筋緩故畢垂縱緩因作癰疝也已上七疝
下去其病之後可調則調可補則補各量病勢

勿拘俗法經所謂陰盛而腹脹不通者癩瘕疝
也不可不下

統旨曰或問疝氣古方有以為小腸氣者有以為
膀胱氣者惟戴人丹溪專主肝經其說不同何
以辨之予曰小腸氣小腸之病膀胱氣膀胱之
病疝氣肝經之病三者自是不一昔人以小腸
膀胱氣為疝者誤也殊不知足厥陰之經環陰
器抵小腹入之病此者發則臑丸脹痛而連及
小腹則疝氣之係于肝經也可知矣且小腸氣

俗謂之橫絃豎絃繞臍走注少腹攷刺而膀胱
氣則在毛際之上小腹之分作痛與疝氣之有
形如瓜有聲如蛙或上於腹或下於囊者不同
也但小腸膀胱因經絡並於厥陰之經所以受
病連及于肝則亦下控引臑丸為痛然只是二
經之病不可以為疝也學者惟考張朱二公之
說則庶乎其不惑矣

生生子曰按統旨此論只可以言狐疝不足以盡
經義然素問六經皆有疝故後之言疝者或名

小腸氣或名膀胱氣或名腎冷氣張戴人朱丹
溪乃獨屬之肝經要之各有所本而肝腎居多
爾按靈樞經云邪在小腸連臍系屬腎貫肝絡
肺系心氣盛厥氣上衝也大凡邪氣襲於人之
經也隨各經而名之襲於腎為腎氣襲於膀胱
為膀胱氣襲於小腸為小腸氣腎與膀胱相為
表裏其氣通于外腎系於臍九此三經與厥陰
互相聯絡而又俱在下部與衝任督諸脉會也
戴人亦曰腎之穴十而言疝者五丹溪乃言與

腎絕無相干絕之一字未細考爾實相須也凡
久立過勞則傷腎勞力遠行則傷筋腎傷則膀胱
虛筋傷則肝氣弱一有所傷風寒濕邪乘虛
而襲入於腎則腎囊腫小腹痛而足冷舌本強
此腎經受病之候入於肝則先從陰器冷痛上
抵腠脇唇青足厥甚則舌卷囊縮此肝經受病
之候也膀胱乃胞之室素問骨空論篇曰任脉
起於中極之下以上毛際循腹裏上關元自胞
上過帶脉貫臍而上故任脉為病男子內結七

疝或指膀胱氣者以此也又衝脉為病逆氣裏
急督脉起少腹以下骨中央女子入系廷孔其
孔溺孔之端也其絡繞陰器合篡間繞纂後別
繞臀至少陰其男子循莖下至纂與女子等其
少腹直上者貫臍中央上貫心此生病從少腹
上衝心而痛不得前後為衝疝注曰衝任督皆
奇經一源而三岐都與腎肝會也由是考之各
有所本匪謬也惟肝腎居多腎不得無相干肝
不得獨主疝從可知矣揣戴人之意若獨屬之

肝則東方實為有餘有餘者瀉之庶可以行生
平所長之技也師者誠能體認不謬則通塞一
通其宜丹溪戴人不多讓矣

挾虛者當用參朮為君佐以疎導之藥其脉豁大
按之無力者虛也 又按之不定者亦屬虛必
用桂枝山梔炒過烏頭細切炒過為末以姜汁糊
為丸每服三四十丸姜湯下大能劫痛 食積
與死血成痛者梔子桃仁山查枳實吳茱萸並
炒以生姜汁順流水煎湯調服

一方加茴香附子

戴元禮曰木腎者心火下降則腎水不患乎不溫
真陽下行則腎水不患乎不和安有所謂木強
者哉夫惟嗜慾內戕腎家虛憊故陰陽不相交
水火不相濟而沉寒痼冷凝滯脹大作痛頑痺
結硬不可純用燥熱當溫散溫利以逐其邪
氣內消榮衛流轉益如寒谷春回蓋有不疾而
速不行而至之妙矣

橘核散 單止痛此蓋溫熱因寒鬱而發用梔子

仁以除濕熱用烏頭以散寒鬱况二藥皆下行
之藥而烏頭又為梔子所引其行尤速不使胃

中停留也 橘核 桃仁 梔子 川烏 炒

吳茱萸 水煎服

又方劫痛 烏頭細切 梔子仁炒等分 為末或加或

減白湯丸服亦可

積疝方 山查炒 茴香炒 紫胡炒 牡丹皮錢一

酒糊丸如梧子大鹽湯下六十九

又方 治疝痛

山查兩 枳殼炒 茴香炒 山梔仁炒 牡丹皮

柴胡 桃仁炒 大茴炒 吳茱萸錢

酒糊丸鹽酒吞下五十九

又方 治疝痛

蒼朮鹽炒 香附鹽炒 黃栢酒炒 青皮 玄胡索

益智 桃仁為臣 茴香為佐 大附子鹽炒 甘草為使

水煎服一痛過更不再作矣

一人有疝腹內有塊每塊痛作疝痛止疝痛作塊痛止 三稜 菘朮醋煮 神麩炒 姜黃 南星各一

山查兩 木香 沉香 香附錢 黃連吳茱萸同

淨炒去菜萸用 桃仁 蘿卜子 山梔仁 枳

枳炒各五錢 姜汁 餛餅糊為丸

治小腸氣及木腎偏隆

黑丑一斤用猪尿胞裝滿以線縫口好酒米醋各一碗於砂鍋內煮乾為度取出黑丑用青紅娘子各十九枚於鉄鍋內炒燥去青紅娘子將黑丑研取頭末四兩另入猪苓澤瀉細末各二兩醋糊為丸梧子大每服三十九字心鹽酒送

下不可多服多服令人頭眩如頭眩可服黑錫丹
元戎加味五苓散 治疝氣卒痛小便澀

本方加川練子一分

局方三白散 治膀胱蘊熱濕熱乘陰囊腫痛木

小便不利 方見前陰門

復元通氣散

船上茴香 川山甲 蛤粉炒各二兩 陳皮 玄胡

索 黑丑炒末 甘草炒各一兩 木香一兩半

為末每十大錢食前熱酒調服

寶鑑控引舉丸 小腸病結上而不下痛引心臍

茴香炒 川練子炒 食茱萸 陳皮 馬閩花炒醋

各一兩 芫花醋炒五錢 醋糊為丸梧子大每十丸至

二十九空溫酒下

三因大烏頭桂枝湯 治風寒疝氣腹中刺痛手

足不仁身體拘急不得轉側或致陰縮

大烏頭五枚去皮尖蜜煎過洗切 桂心 白芍各三錢 甘草一錢

每服四錢姜棗煎服

局方奪命丹 遠年近日小腸疝氣偏墜搐痛脬

下撮痛悶亂外腎腫硬日漸滋長陰間濕痒搔

成瘡

吳茱萸

淨一斤四兩用酒醋湯童便各浸一宿焙乾

溼瀉二兩

酒糊為丸梧子大每五十九空心鹽湯下

葫蘆巴丸

小腸氣蟠腸氣奔豚疝氣偏墜陰腫

小腹有形如卵上下来去痛不可忍或絞結繞

臍攻刺嘔吐者

葫蘆巴

炒一斤

巴戟

炒六兩

川練

子

炒一斤

川烏

炮去皮六兩

茴香

炒二兩

吳茱萸

湯洗七次

酒糊為丸梧子大每二十九空心酒下

戴人禹功散

黑丑

頭末四兩

茴香

炒一兩

為末以生薑自然汁調

一二錢臨睡服或加白朮一兩

茴香練實丸

治陰疝痛不可忍及小腸氣痛

川練子

炒

茴香

青皮

陳皮

芫花

醋炒

山茱萸

食茱萸

吳茱萸

馬閨花

各等分

醋糊丸梧子大溫酒下三十九

天台烏藥散

治小腸疝氣牽引臍腹疼痛

烏藥

木香

茴香

青皮

良姜

炒各五錢

檳榔

二枚

川練子

十枚

巴豆

七粒

右先以巴豆微打破同川練麩皮炒黑去巴豆麩皮不用外餘藥同為末每用一錢酒調下甚者姜湯下亦可

濟生葵子湯 膀胱實熱腹脹小便不通口舌乾

燥 赤茯苓 猪苓 葵子 枳實 瞿麥

車前子 木通 黃芩 滑石 甘草分等

每五錢入姜煎空心服

局方蟠葱散 治寒疝氣疝衝心疼痛

玄胡索 蒼朮 甘草各半 茯苓 蓬朮

三稜 青皮各六兩 丁皮 砂仁 檳榔各四兩 桂

乾姜各二兩 每服二錢入連鬚葱一莖水煎食前服

金櫃當歸生薑羊肉湯 寒疝腹中痛及脇痛裏

急 當歸三兩 生薑五兩 羊肉一斤

水八升煮三升溫服七合日三服如寒多加

生薑嘔者加陳皮二兩白朮一兩

蜘蛛散 治陰狐疝氣偏有大小時上下

蜘蛛十四枚 肉桂五錢一分

為末取八分米飲調服或蜜丸服亦可

王海藏丸用以黑大者去頭足
研如膏入藥中乃効炒黑不効

東垣丁香練實丸

男子七疝痛不可忍婦人瘦

聚帶下皆任脉所主陰經也乃腎肝受病故治

法同 當歸 附子 炮 川練子 茴香炒各二兩

好酒三升同煮盡為度焙乾作細末每十兩

入丁香木香玄胡末各五錢全蝎十三枚後

四味末入在前藥末內和勻酒糊丸梧子大

每二十九加至百丸空心温酒下

熨法 鹽半斤炒極熟以舊綿包熨臍腹痛處

又方 葱白研碎一握置臍中上用熨斗熨之或
以艾於上灸之尤妙

海藻潰堅丸 治木腎如斗結硬如石

海藻 昆布 川練肉 吳茱萸湯泡各一兩 木香

青皮 小茴 荔枝核炒 玄胡索炒 肉桂各五錢

海帶 橘核炒 桃仁麸炒去皮 木通七錢

酒糊為丸梧子大每六十九字心鹽酒任下

癩疝大如芥斗者是也惟大不痛丹溪謂非痛斷

房事厚味不可用藥惟促其毒者蒼木神麴白

至半夏山查枳實皆要藥人視其為淺鄙以啓
慢心又不能斷慾以愛護其根者非徒無益而
又被其害者多矣且其藥宜隨時令寒溫更按
君臣佐使加減大抵癩屬濕多

蒼木 神麴 白芷 散 山查 川芎 枳實

南星 半夏 神麴糊為丸有熱加山梔一兩

堅硬加朴硝五錢秋冬加吳茱萸二錢半

又方 治癩疔

南星 山查 蒼木 各二 白芷 半夏 枳核

神麴 各一 海藻 昆布 各五 玄明粉 吳茱萸

錢 各二 酒糊丸

治木腎不痛方 南星 半夏 黃栢 洗 蒼木 炒 鹽

枳實 山查 白芷 神麴 炒 滑石 炒 吳茱萸

昆布 酒糊丸 字心 鹽湯下 一方加枸杞子

治偏墜初生

川山甲 茴香 為末酒送下乾物壓之

潔古海蛤丸 治癩疔從小便中利出惡物

海蛤 醋 三次 海金沙 膩粉 硼砂 川歸 各一 錢

海藻 粉霜各五分 水蛭升一條 青黛 滑石 乳

香錢各一 硃砂錢二 地龍水二十一條 鹽去泥

右用蓋煮麵糊為丸小豆大硃砂為衣每十丸燈心湯空心服之小便下冷膿惡物乃效却以黃連紫河車板藍根各二錢煎湯漱口以固牙一方去板藍根加貫衆

王海藏地黃膏子 男子婦人臍下奔豚氣塊小腹疼痛陰腫控臍而痛上衝心腹不可忍者血竭 沉香 木香 人參 廣茂炮 玄胡索

蛤蚧 川歸 川芎 續斷 白朮 川練子

炒全蝎 茴香炒 紫胡 沒藥 吳茱萸

已上分兩隨症加減用之 氣多者加青皮血多者加肉桂 為末地黃膏子為丸梧子大空心溫酒下二十九日加一丸至三十九

木事方念珠丸 膀胱疝氣外腎腫痛不可忍昔有入貨此藥治疝如神一日貨數千丸一國醫多與金而得之用果良驗

乳香 硃砂飛各三錢 黃蠟一兩 熔化分作一百單



八九以線穿之露一宿次日用蛤粉為衣旋
取用乳香湯送下

丹溪治鄭子敬酒後飲水及水菓腎偏大時作蛙
聲或作痛炒枳實一兩鹽炒茴香炒梔子各三
錢研煎湯送下保和丸 又一人膀胱氣下墜
如蛙聲臭橘核炒十枚桃仁二十枚羅卜汁下
保和圓七十九

予人年三十左腎核腫痛此飲食中濕墜下成熱
以臭橘核五枚桃仁七枚細研順流水一盞煎

沸湯熱下保和丸

丹溪治木腎以水晶蒲桃葉 野紫蘓葉 蒼耳
葉濃煎湯薰洗

一方治水癩偏大上下不定疼痛不止

牡蠣不拘多少鹽泥固濟炭三斤煨令火盡冷
取出三兩加乾姜一兩焙為細末二味和勻以
冷水調塗病處小便利而愈

又方 玄胡索炒全蠲 為末每二錢溫酒調下
雄餐散 治陰腫大如斗挾痛

雄黄^{一两} 白礬^{二兩} 甘草^{五錢} 水煎先薰後洗効

治偏墜^一 入棗腫痛甚^二 子不分大如升^三 偏醫

不効^四 以此治除根^五 松江甚神^六 此方

牡丹皮^{二兩} 蒼朮^{二兩} 米泔浸三日^七 鹽荔枝核^{一兩}

山查^{半兩} 橘核^{七錢} 山梔仁^{湯炒三兩} 湯炒^{三兩}

神麴糊丸^一 梧子^二 大字心白湯下^三 五十九

解鉗丸 治小腸氣及膀胱氣橫絃擊絃木腎偏

墜下部諸疝氣痛

木鱉子^{二兩} 淨去油^一 用木通^{二兩} 茴香^{二兩} 用

切碎同炒^二 焦黑色去水通^三 用



十一枚^一 去頭翅足^二 黑丑^{二兩} 用萝卜子^{二兩} 畧

同炒香熟去^三 班猫^{二兩} 研碎同炒^四 香熟去^五 萝卜

半夏^{二兩} 剉碎同炒^六 黄色去^七 薛荔^{二兩} 補骨脂^{二兩}

同炒去^八 猪苓^{二兩} 酒糊丸^九 梧子^十 大字心服^{十一} 三十九炒

姜盐燈心酒下^一 下午後臨睡各一服^二

五妙丸 治一切下部氣速効如神

黑丑 補骨脂 川練肉 各一兩 用地龍一兩

半夏 同炒去猪苓不用 茴香 一兩 用班猫十四

用丁香 二枚 同炒去土狗十 玄胡索 一兩

酒糊丸 梧子 大每服十九 加至十五 九空心

赤水玄珠

下卷

五

鹽酒送下

乳姜湯 治寒疝氣上衝中脘築痛

乳香末錢二 生姜自然汁錢二 水一大盞同煎三五

沸通口服一服効

香木丸 寒濕成疝腎腫疼痛

蒼木半斤 米泔水浸一宿 晒乾用 生姜半斤 葱白四兩 搗炒蒼木乾去 葱姜不用

茴香半斤 用生 姜汁四兩 浸一宿 後用鹽 炒乾 吳茱萸湯炮炒

右末搗葱白成膏為丸梧子大每五十九空

心溫酒或鹽湯下

又方 治諸疝痛及心痛臨發時服

海后 香附 為末姜汁調下

一人患疝因服熱藥多以致小便不通後用五苓

散分三帖每加連鬚葱一根 射香少許鹽五分

煎服連進三服其夜下黑汁二升臍下遂寬續

用礪砂丸數日全愈

大宮詹少溪吳馭閱校

終

赤水玄珠第二十卷目錄

霍亂門 轉筋 中惡客忤

欬逆 噫氣 下氣 漏氣

嘈雜門


眩暈門

瘖門

痘證門

厥門

吐門



增寒頭痛眩暈或吐而不瀉或瀉而不吐或吐瀉並作夫邪在上焦則先心痛而吐邪在中焦則先腹痛而瀉邪客上中二焦則吐瀉俱作甚則轉筋入腹則斃蓋陰陽反戾清濁相干陽氣暴升陰氣頓墜陰陽痞隔上下奔逆治之惟宜溫煖更詳別三因以調之外因諸風則惡風有汗傷寒則惡寒無汗胃濕則重著傷暑則煩熱又有內因九氣所致鬱聚痰飲痞隔不通遂致滿悶隨其勝復必作吐利或諸飽食膾炙恣冷

乳駱寒漿旨酒脾胃受傷遂成吐利又有轉筋者蓋陽明胃主養宗筋今暴吐下津液頓亡宗筋失養以致牽轉甚則外縮舌捲為不治之症又有乾霍亂者上不得吐下不得利壅閉正氣關格陰陽躁擾喘脹命在須臾若濕霍亂則所傷之物因吐瀉而出吐瀉盡則止故猶可治木抵熱勝痰鬱則悶亂濕勝欬鬱則利下其治濕霍亂宜藿香正氣散加生姜不惟可以溫散風濕抑亦可以調理吐瀉其若傷暑所致者亦不